

# Ársskýrsla stjórnar FAAS fyrir starfsárið 2015 – 2016.

Flutt á aðalfundi félagsins þann 10. maí 2016.

Stjórn FAAS þetta starfsárið er skipuð eftirfarandi einstaklingum; Árni Sverrisson, formaður, Guðjón Brjásson, varaformaður, Helga Sigurjónsdóttir, ritari, Brynjólfur Bjarnason og Friðfinnur Hermannsson, meðstjórnendur og Kristný Rós Gústafsdóttir og Berglind Anna Magnúsdóttir sem eru varamenn í stjórn.

Löggildur endurskoðandi félagsins er Viðar G. Elíasson og skoðunarmenn eru þeir Kristinn Jörundsson og Ragnheiður Karlsdóttir.

Framkvæmdastjóri félagsins er Svava Aradóttir og starfsmaður okkar á skrifstofu er Sigríður Eyjólfsdóttir

Eitt af þeim verkefnum sem stjórnin setti sér að markmiði á afmælisárinu var að endurnýja heimasíðu félagsins. Samningur var gerður í byrjun júlí við fyrirtækið Kapital um framkvæmd verkefnisins og nú hillir undir að nýja heimasíðan verði opnuð formlega. Mikil vinna hefur legið að baki þessu verkefni og er markmiðið að síðan verði aðgengileg og lifandi þannig að fólk getur fylgst með því hvað er að gerast hjá félaginu á hverjum tíma. Mikið af fræðsluefni verður þarna aðgengilegt og núna er komið að því að okkar fagfólk setji þetta fræðsluefni inn.

Þátttaka okkar í norrænu samstarfi hélt áfram með mætingu formanns og framkvæmdastjóra á fund sem haldinn var á Álandseyjum. Áhersla fundarins var á yngra fólk með heilabilun, reynslu aðstandenda og sjúklinganna sjálfra. Á fundinum kom fram að mismunandi nálganir eru gagnvart ungu fólki með heilabilun á Norðurlöndunum. Ákveðið var að fundur félaganna yrði haldinn árlega héðan í frá og verður fundur þessa árs í Finnlandi. Athyglisverð umræða varð um vinnuhóp sem skipaður var af Norræna ráðherraráðinu um heilabilun á Noðurlöndunum, en heilbrigðisráðuneyti landanna virtust ekki hafa neinn áhuga á því að skipa í þennan vinnuhóp fulltrúa frá þeim félögum í löndunum sem eru að sinna sambærilegu starfi og FAAS. Þrátt fyrir að það hafi beinlínis verið tekið fram í samþykkt um þennan vinnuhóp að einn slíkur fulltrúi ætti að vera í hópnum frá hverju landi. Ákveðið var að leita frekari upplýsinga um þetta mál að hálfu norrænu félaganna.

Vinnuhópur FAAS um innra skipulag og starfsmannamál skrifstofu félagsins hefur unnið að breytingum, sem fram að þessu hafa tekið allt of langan tíma. Ástæða þess eru m.a. veikindi framkvæmdastjóri á starfsárinu. Til þess að bregðast við vandanum til bráðabyrgða samþykkti stjórn félagsins að formaður tæki að sér að vinna ákveðin verkefni innan skrifstofunnar. Vinna þessi var unnin í verktöku þannig að ekki var um bindandi viðveru að ræða, heldur fólst vinnan eingöngu í því að vinna ákveðin verkefni og það tók mismunandi langan tíma innan hvers mánaðar. Þessari vinnu formanns lauk í lok janúar á þessu ári. Í beinu framhaldi var síðan ákveðið af vinnuhópnum að auglýsa starf fræðslustjóra (sérfræðings) í 60 til 80% starf. Ráðningarþjónusta Hagvangs var fengin félaginu til liðsinnis um þetta verk og bárust samtals 14 umsóknir um starfið. Eftir faglega úrvinnslu á umsóknum var ákveðið að ráða Sírý Sif Sigurlaugardóttur félagsfræðing til starfsins og mun hún hefja störf í júní nk. Stjórn félagsins væntir mikils af hennar störfum og fagnar því mjög að nú hillir undir verulega bætta þjónustu félagsins bæði fyrir aðstandendur og fagfólk í umönnun.

Tvær ferðir hafa verið farnar út á land á haustmánuðum 2015, önnur á Snæfellsnes og hin á Norðurland vestra. Fundað var í helstu þéttbýliskjörnum og hjúkrunarheimili heimsótt. Áberandi var á þessum fundum hversu mikil þörf er fyrir aukna fræðslu á þessum stöðum og verður það eitt af verkefnum þessa árs að skipuleggja slíka fræðslufundi ásamt því að halda kynningarfundum áfram. Væntanlega mun nýr starfsmaður einnig koma mikið að þessum málum.

Alzheimerdagurinn var þann 21. september og þá var nokkuð hefðbundin dagskrá félagsins. Tenglar félagsins komu saman og fengu fræðslu. Farið var í heimsókn á hjúkrunarheimilið Ísafold í Garðabæ. Seinni part dagsins var málstofa á Grand hótél þar sem yfirskriftin var „Hvað er að gerast í heilanum“ Fyrirfram var búið að skipuleggja dagskrána þannig að aðalfyrirlestur dagsins væri fluttur af Ragnhildi Þóru Káradóttir, en með mjög stuttum fyrirvara fengum við tilkynningu frá henni um að hún gæti ekki komist en bauð okkur að samstarfskona hennar gæti komið í hennar stað. Vandamálið við það var sá að þessi samstarfskona varð að flytja erindið á ensku. Því miður gátum við ekkert gert í málinu og við vitum að þetta gerði mörgum fundarmönnum erfitt fyrir auk þess sem það fækkaði svo í hópi frummælenda um einn. Um eða yfir 300 manns sóttu fundinn. Í heildina var þessi dagur þrátt fyrir allt velheppnaður.

Þátttaka FAAS í Reykjavíkumaraþoni er orðin fastur liður og hlupu um 100 manns til stuðnings félaginu. Samtals söfnuðust um 1,6 milljónir þennan dag. Hafi allir sem þátt tóku og studdu við félagið bestu þakkir fyrir.

Blaðakálfur frá FAAS var gefinn út með Fréttatímanum í október og voru áherslur í blaðinu í samræmi við Alzheimerdaginn, en aðalgrein blaðsins var um rannsóknir Ragnhildar Þóru Káradóttur. FAAS fékk sérstaklega 450 eintök af blaðinu og sendi til félagsmanna úti á landsbyggðinni.

Sólveig Eiríksdóttir eða Solla í Gló studdi FAAS um 2,2 milljónir í október, en þá rann til félagsins 10 kr. af hverri seldri einingu í þeim mánuði hjá Himneskt, sem er nafnið á hennar fyrirtæki. Er þetta mikill styrkur til félagsstarfsins, sem við metum mikils.

FAAS hefur verið að koma sér betur og betur fyrir í húsnæðinu í Hátúni og mjög gott fundarherbergi hefur nú verið tekið í notkun. Nú opnast möguleikar fyrir félagið til þess að halda fleiri minni fundi í okkar húsakynnum og hefur stjórnin samþykkt að mánaðarlega verði haldið opið hús fyrir félagsmenn þar sem fólk getur komið og spjallað um þau mál sem helst brenna á hverjum og einum. Teljum við að þetta geti orðið mikill stuðningur við aðstandendur og mun stjórnin vega og meta árangur af þessum fundum eftir því sem fram líður.

Þann 10. mars sl. var stofnað stuðningsmannafélag í Vestmannaeyjum. Félag þetta er sjálfstætt félag og heitir „Alzheimer – stuðningsfélag Vestmannaeyjum.“ Tenglar FAAS í Vestmannaeyjum hafa haft veg og vanda að stofnun þessa félags og var Guðný Bjarnadóttir kosin formaður félagsins. Stjórn FAAS fagnar stofnun félagsins með óskum um velfarnað í starfi.

FAAS hefur á árinu styrkt Alzheimer-kaffið í Reykjavík eins og undanfarin ár. Þá hefur fjöldi starfsmanna FAAS og annarra heilbrigðisstofnana fengið styrk á starfsárinu vegna námskeiða, námsferða eða ráðstefna.

Ég vil að lokum þakka afmælisnefndinni, þeim Friðfinni Hermannssyni, Jórunni Frímansdóttur og Finni Árnasyni fyrir þeirra störf í þágu félagsins. Jafnframt vil ég fyrir hönd stjórnar félagsins þakka öllu starfsfólki FAAS fyrir mjög góð störf fyrir félagið en góður fjárhagslegur árangur í rekstri má þakka þessu góða fólki.

Árni Sverrisson  
Formaður stjórnar FAAS